

天津圖書館藏

紀曉嵐
刪定

《四庫全書總目》
稿本

國家圖書館出版社

2



天津圖書館藏

紀曉嵐
刪定

《四庫全書總目》稿本



國家圖書館出版社

2

欽定四庫全書總目卷八

經部八

易類存目二

周易象通八卷

浙江吳玉璠家藏本

明朱謀瑋撰。謀瑋字爵儀。寧獻王七世孫。萬厯間。

以中尉攝石城王府事。是書惟釋上下經文。不及十翼。大旨欲稍還古義。而轉生臆說。如不用陳搏先天圖。亦不用周子太極圖。是矣。而別造河圖四。謂三代以來。世藏秘府。以為寶。學者莫得而窺。迨

宋徽宗考古搜竒始出示於外。是出何典記乎。卽陳以前無論矣。耿南仲張根諸家皆徽宗時人。王湜以下諸家皆徽宗後人。何不一見也。其說易以象。象取於互體變體。是矣。然如謂乾居西北。當奎婁白虎之尾。故曰履虎尾。已穿鑿附會。至於解既濟云。涉者多繫匏以防危。離為大腹。匏瓜之象。則涉者也。坎為川瀆。則津濟也。因外卦為離而生大腹。因大腹而生匏瓜。因匏瓜而牽合於繫匏涉水。以遷就既濟之象。易果若是之迂曲乎。又解困卦

初爻二爻云坎為叢棘。初其株也。六三居泉谷之間。故為石梁。株木石梁皆因未涸而為橋梁。是急於濟渡而遭困也。因坎生叢棘。因在初爻而變文曰株木。因六三在兌坎之間生泉谷。因泉谷而生石梁。而省文曰石。易果若是之晦澁乎。上經始乾坤而終坎離。下經始咸恒而終既濟未濟。確有義理。序卦即不出孔子。亦必漢以前經師所傳。謀瑋乃合上下經而一之。易未經秦火。訛脫甚少。而謀瑋或隨意改字。或動稱錯簡衍文。甚至漸卦上九。

併經文改為鴻漸于遠。並不言舊作鴻漸于陸。其武斷尤甚。謀瑋以博洽名。此書尤為曹學佺所推許。然其實多出臆見。不為定論。學佺序。詮釋易中諸字。如王安石字說。亦可笑也。

易學識遺一卷

內府藏本

明朱睦㮮撰。睦㮮字灌甫。號西亭。周定王六世孫。萬曆五年舉宗正領宗學事。事迹附見明史。周王傳。是書大指。皆辨諸家說易之異同。雖薈萃不多。而頗有卓見。如乾之四德。謂程傳本文言。視本義

為勝。乾九二利見大人。不專指九五。明夷九三不
可疾貞。從項安世以貞字為句。并泥之泥讀平聲。
勿幕之幕即幕字。數往者順。用王安石解。皆于經
傳有裨。非同勸說雷同者。然明史藝文志不載此
書。核校其文。即睦樸五經稽疑中說易之一卷。或
其初出別行之本。抑或書賈作偽。改題此名歟。

易經疑問十二卷

浙江巡撫
採進本

明姚舜牧撰。舜牧字虞佐。烏程人。萬曆癸酉舉人。
歷官新興廣昌二縣知縣。考舜牧生于嘉靖癸卯。

其五經疑問。皆年過六十所撰。迨年過八十。又重訂詩禮二經。及此書。其序並載所著來思堂集中。歲月先後。一一可考。計其一生精力。殫于窮經。然此書率敷衍舊說。實無可取。間出己意。亦了不異人。蓋其學從坊刻講章而入。門徑一左。遂終身勞苦而無功耳。

易測十卷 江蘇巡撫 孫進本

明魯朝節撰。朝節字植齋。臨武人。萬曆丁丑進士。官至禮部尚書。是編取王弼註。孔穎達疏。程子傳。

朱子本義及楊氏易傳之說。參互考訂。惟解上下
經彖象文言繫辭。而置說卦序卦禘卦。又做王弼
畧例之意。別作說凡一卷。附於末。大旨主於觀辭
玩占。一切卦圖卦變之說。悉所不取。頗足掃宋易
之葛藤。然其去取衆說。則未能一一精審也。

周易冥冥篇四卷

兩淮鹽政
採進本

明蘇濬撰。濬字君禹。號紫溪。晉江人。萬曆丁丑進
士。官至廣西布政司叅政。此書惟解上下經繫詞
說卦。刪序卦禘卦。大旨主王弼虛無之說。一切歸

之于心學。非惟廢卜筮之說。乃併宋儒言理而偶及數者。亦以為執泥牽拘。其訓潛龍勿用。以為心之寂然不動。訓大明終始。以為心之靈明不昧。而于繫詞之末。以易主忘言為歸宿。觀其以冥冥名書。則其說之遁於二氏。不問可知矣。

易經兒說四卷

浙江吳玉璠家藏本

明蘇濬撰。濬周易冥冥篇恍惚支離。頗涉異學。及作是書。乃墨守朱子本義。尺寸不踰。其首先曰講者。詮釋文句也。次曰意者。推闡大旨也。次曰總論。

則一卦之綱領也。又間出旁註。以一二語標題。蓋專為科舉之學而設。因在家塾。以此書為子姪講授。故稱兒說。萬厯中嘗刊行。板後散佚。康熙丁卯其裔孫堯松等重刊之。

續韋齋易義虛裁八卷

浙江巡撫
採進本

明涂宗濬撰。宗濬字鏡原。南昌人。萬厯癸未進士。官至兵部尚書。諡恭襄。是編用注疏本。彙前儒之說以作解。大旨依傍程朱傳義。而亦時有所糾正。如坤六五一爻。駁程子女媧武后之說。是也。所說

金匱要略卷八
卷八
頗潔淨。而隨文生義。罕所發明。其首列易圖。以河
圖作旋毛。洛書作拆甲。蓋本吳澄之說。非所臆造。
然亦可謂輕信矣。

易會八卷

浙江鄭大節家藏本

明鄒德溥撰。德溥字汝光。安福人。萬曆癸未進士。
官至司經局洗馬。明史儒林傳附見。其祖守益傳
末。是書用注疏本。其說多主義理。亦兼言象。自繫
詞以下。所解甚略。自序謂就心所會者述之。故名
易會。然往往亦借以寓意。如解亢龍有悔曰。亢而

曰龍則亢乎其所不得不亢也。蓋人處時勢之極。固有必亢而後濟者。惟聖人純乎天德。無一毫全軀保命之思。雖履盛滿。蒙譏謗。冒天下之不韙。而弗之避也。即勢且至于悔。亦為天下甘之矣。若慮其有悔。而先自處于不亢之地。則智士之所為耳。何龍德之云乎。此明季清流之見。以愧選悞則可矣。實非經義也。

像抄六卷

內府藏本

明錢一本撰。一本有像象管見。已著錄。是書雖以

象為名實則衍陳搏之數學。凡卦圖二卷。附錄書札及雜吟二卷。上下經解二卷。其卦圖以朱子本義所列九圖。行為三十二圖。圖各有說。縱橫比對。自謂言象而理在其中。然孔子所謂象者像也。即指卦爻。朱子所列九圖。後儒已不免異同。一本借以旁推。尤為支蔓。雖易道廣大。隨拈一義。皆有理可通。然究非聖人設教本旨也。

四聖一心錄六卷

兩淮馬裕
家藏本

明錢一本撰。是書於像抄之外。又舍數而言理。其

言理。舍天而言人。其言人。又舍事而言心。推闡之。以至於性命。體例近乎語錄。其論亦多支離。如謂許由讓王。為能知河洛之道。又謂序卦傳為格物之學。大抵皆無根之高論也。

易筌六卷附論一卷

江蘇巡撫
採進本

明焦竑撰。竑字弱侯。應天旗手衛籍。山東日照人。萬曆己丑進士第一。授翰林院修撰。尋遷東宮講讀官。謫福寧州州同。事迹具明史文苑傳。是書大旨。欲以二氏通于易。每條引列子黃庭內景經抱

朴子諸書以釋經。史稱竑講學以羅汝芳為宗。而善耿定向耿定理及李贄。時頗以禪學譏之。蓋不誣云。

周易正解二十卷

浙江吳玉墀家藏本

明郝敬撰。敬字仲輿。京山人。萬曆己丑進士。歷官縉雲永嘉二縣知縣。擢禮科給事中。遷戶科。尋謫宜興縣丞。終于江陰縣知縣。明史文苑傳附見李維楨傳末。所著有九經解。此即其一。用王弼註本。凡上下經十七卷。其說較詳。繫辭以下僅三卷。則

少畧焉。大旨以義理為主。而亦兼及于象。其言理多以十翼之說印正卦爻。其言象亦頗簡易。然好恃其聰明臆為刳論。如釋蠱卦為武王之事。而以先甲後甲為取象甲子昧爽。其他亦多實以文武之事。蓋本作易者其有憂患一語而演之。遂橫生穿鑿。其所著經解。大抵均坐此弊也。

易領四卷

浙江鄭大節家藏本

明郝敬撰。是書專釋卦序之義。自序謂冠以序卦傳。如衣之挈領。故以領名。卷前標山草堂集第二